

ԱՐՏԱՇԵՍ ՇԱՀՆԱԶԱՐՅԱՆ

ԻՐԱԴՐՈՒԹՅՈՒՆՆ ԱՆԴՐԿՈՎԿԱՍՈՒՄ ԶԱԼԱԼ ԱԴ-ԴԻՆԻ ԱՐՇԱՎԱՆՔՆԵՐԻ ՆԱԽՕՐՅԱԿԻՆ

1220-1222 թթ. դեպի Անդրկովկաս կատարած հետախուզական արշավանքի ընթացքում մոնղոլական 20 հազարանոց բանակը Ջեքե Նոյինի և Սուբադայ Բահատուրի գլխավորությամբ նրկրամասում բազմաթիվ ավերածություններ գործելուց և նրեք ճակատամարտերում հայ-վրացական զորքերին հաղթելուց հետո հեռացավ Տյուսիսային Կովկաս: Մոնղոլների հաջողությունները պայմանավորված էին ոչ միայն տարածաշրջանում հզորագույններից մեկը համարվող վրացական թագավորությունում ավատատիրական ներհակություններով, այլև նրանով, որ վրաց թագավոր Գեորգի Լաշան (1207-1222), Գանձակի Էլտկույան աթաբեկ Ուզբեկը (1210-1225) և Շիրվանի տիրակալ Գուշտաբս I-ը (1203-1225) չկարողացան իրենց հակասությունները մի կողմ դնելով մոնղոլների դեմ միասնական ճակատ կազմել:

Երբ մոնղոլները մտան Տյուսիսային Կովկաս, նրանց ճնշման տակ թյուրքական ցեղերից մեկի՝ ղփչաղների մի ստվար հատված, որի կռվող ուժը Զ. Բունիյաթովն առանց աղբյուրը նշելու 50 հազար է հաշվում⁴, 1222 թ. ներխուժեց Շիրվան: Մոտենալով Դերբենտին, նրանք վերջինիս տիրակալ Էմիր Ռաշիդից Գուշտաբս I-ի նղբորից, հավատարիմ ծառայության դիմաց բնակության տեղ խնդրեցին: Սակայն զգուշավոր Ռաշիդը ոչ միայն մերժեց, այլև նրանց իր տիրույթներից փտարելու անհաջող փորձ կատարեց: Դրան հետևեց ղփչաղների կողմից Դերբենտի նննգորեն գրավումն ու կողոպուտը⁵. Ղփչաղներն այնուհետև, Դերբենտից հեռանալով, պաշարեցին Կապադակ (Կաբալա) քաղաքը, որն իր գավառով մտնում էր վրացական թագավորության կազմի մեջ: Իբն ալ-Ասիրի անուղղակի, իսկ Կիրակոս Գանձակեցու ուղղակի վկայություններից հետևում է, որ նրանք Կապադակի տիրոջ միջոցով Գեորգի Լաշայից և վրացական թագավորության աթաբեկ Իվանն Զաքարյանից բնակության տեղ խնդրեցին՝ խոստանալով հավատարիմ ծառայություն: Մի քանի օր անց մեր-

A 90470

ծում ստանալով՝ ղփչաղները կողոպտում են Կապադակ գավառն ու շարժվում դեպի Գանձակ⁶: Դներքենտում ղփչաղների դրսևորած նմնգությանը քաջատնայակ էմիր Քուշխարան՝ Գանձակում Ուզբեկի տնդապահը, զորքով նրանց ընդառաջ է դուրս գալիս: Ղփչաղները, մարտից խուսափելով և վստահության պատանդներ ուղարկելով, Քուշխարային հավատացնում են, որ իրենք եկել են Ուզբեկին ծառայելու, իսկ Դներքենտը գրավել են, քանզի Շիրվանի տներն իրենց արգելել էր դա անել: Ղփչաղների փաստարկին հավատալով՝ Քուշխարան նրանց թույլ է տալիս տնդավորվել Գանձակի շրջակայքում և այդ մասին իրազեկ պահում աղաքեկ Ուզբեկին: Վերջինս հրամայում է ղփչաղներին բնակեցնել Քիլքուն լեռան մոտ⁷: Ինչպես նշում է Կիբակուս Գանձակեցին, Գանձակի բնակիչները ղփչաղներին «յոժարութեամբ ընկալան, քանզի էին ի մեծ ննդութեան ի զօրացն վրաց, որք աւերէին գաշխարհս նոցա և գերէին զմարդ և զանասուն: Ետուն նոցա տնդի բնակութեան ի սահմանս քաղաքին, օգնէին և այլ կերակրօք և ըմպելօք, զի նոքօք կայցեն ընդդէմ թագաւորութեանն Վրաց»⁶: Այսպիսով, իր տիրույթներում ղփչաղներին բնակեցնելով՝ Ուզբեկը նպատակ ուներ նրանց օգնությամբ հետ մղել Գանձակի աղաքեկության վրա հայ-վրացական զորքերի շարունակական հարձակումները: Դրանք ընդհատվել էին 1217 թ., երբ Ուզբեկը ճարահատյալ ընդունել էր խորեզմշահ Մուհամմադի (1200-1220) գերիշխանությունը⁷: Այժմ արդեն, երբ մոնղոլների կողմից 1218-1220 թթ. խորեզմշահների պետության ջախջախումից ու փաստական վերացումից և Մուհամմադի անփառունակ վախճանից հետո Ուզբեկը զրկվել էր հզոր հովանավորությունից, հայ-վրացական սպասելի ունեցություններին փորձում էր դիմագրավել ղփչաղների օգնությամբ:

Կապադակի պաշարումն ու գավառի կողոպուտը և Գանձակի Էլտկուզյան աղաքեկությունում ղփչաղների հաստատվելը վրաց արքունիքին ստիպում է համապատասխան քայլի դիմել: Իվանն աղաքեկը, զորք հավաքելով, փորձում է ղփչաղներին հանկարծակիի բերելով կոտորել, իսկ Գանձակը՝ գրավել ու ավերել: Սակայն իրադարձություններն այլ ընթացք են ստանում, քանի որ Քուշխարային հայ-վրացական կողմի մտադրությունը հայտնի է դառնում և նա ղփչաղներին հրամայում է վերադառնալ ու բնակել Գանձակի մոտ: Քուշխարայի նառադորությունը

կատարելուց հետո ղփչաղների մի գորախումբ շարժվում է հայ-վրացական գորքերին ընդառաջ և պարտության մատնում⁸։ Իբն ալ-Ասիրը ղփչաղների հաղթանակը բացատրում է հակառակորդին հանկարծակիի բերելով, իսկ Լիբանոս Գանձակեցին ու Վարդան վարդապետը՝ հայ-վրացական գորքի հոգնածությամբ, ինչպես նաև Իվանն աթաբեկի ինքնափստահությամբ ու անզուշությամբ, որը բխում էր նրա բանակի մեծաքանակությունից⁹։ Ակներև է, որ Իվանն աթաբեկի գորքի նրթնություն իրազեկ ղփչաղները, նախօրոք հարմար տեղ ընտրելով, շագմերթից հոգնած հակառակորդին մարտ էին պարտադրել ու հաղթել։ Այս ճակատամարտի նկարագրության ժամանակ Լիբանոս Գանձակեցու օգտագործած «լքնալ գօրն վրաց»¹⁰ արտահայտությունը ննթադրել է տալիս, որ այս անգամ ևս Իվանն աթաբեկն իբրև գորահրամանատար պատշաճ բարձրության վրա չի գտնվել։ Հայ-վրացական գորքը, մեծ կորուստներ տալով, փախուստի է դիմում, իսկ շատ հայտնի իշխաններ ու ազատներ գերվում են։ Գերվածների մեջ էր նշանավոր իշխան Նաղթակի որդի Պապաբը, իսկ զոհվածների մեջ՝ թռչը՝ Վասակի որդի Գրիգորը՝ «արք քաջք և անուանիք, որ յաիէ նոցա դողայր ամենայն գօրն տաճկաց»¹¹։ Գրիգորին Գանձակում բանտարկելով՝ կոտանքների միջոցով փորձում են մահմեդական դարձնել, սակայն նա հրաժարվում է և տանջամահ ստանում¹²։ Մյուս գերյալներին ղփչաղները սննդի կամ հագուստի դիմաց Գանձակում վաճառում են. «և պարսիցն զենալ նոսա,- գրում է Լիբանոս Գանձակեցին,- անհնարին նեղութեամբ կեղէին զկենսս նոցա. և այնքան աքահանջէին ի նոցանէ կշիռս ոսկոյ և արծաթոյ, մինչև անհնարին լիներ հատուցանել. և բազումք մեռան ի բանտի անդ»¹³։ Լիբանոս Գանձակեցու վկայությամբ Գանձակի քրիստոնյաները, այսինքն՝ հայերը, տնում էին հնարավորը՝ նրանց փրկագնելու կամ զոհն վիճակները թնթևացնելու համար¹⁴։

Երբ ղփչաղները վերադառնում են Զիլքուն լեռան մերձակայքում գտնվող իրենց բնակատեղին, ճակատամարտին չմասնակցած ղփչաղական մի այլ գորամաս որոշում է կրկնել նրանց հաջողությունը։ Քուշասարան նրանց հորդորում է չշտապել, մինչև ինքը չպարզի հակառակորդի դրությունը։ Սակայն, ըստ նրկույթին, ղփչաղները, նախորդ հեշտ հաղթանակով ոգևորված, նրան չեն լսում և վրացական թագավորություն ներխուժելով Իվանն ա-

թաթենկին պատկանող Վարդանաշատ գավառում կողոպուտ ու ավերածություններ կատարելով և գերիներ վերցնելով՝ հետ են դառնում¹⁵։ Այս անգամ արդեն, նախորդ անհաջողությունից համապատասխան հետևություններ արած Իվանն աթաթենկը, նրանց հանկարծակիի բերելով, Վարդանաշատի շրջանում գլխովին ջախջախում է, շատերին զերում, իսկ ավարն ու գերիներին հետ խլում¹⁶։

Եթե Կիրակոս Գանձակեցին պնդում է, որ այս ճակատամարտում Իվանն աթաթենկը կոտորել է ղփչաղների ամբողջ զորքը, ապա Վարդան վարդապետը հայտնում է, որ կոտորվել է «գաւնի մասն իւշաղին»¹⁷, ինչը համահունչ է Իբն ալ-Ասիրի վկայությանը և համապատասխանում է իրականությանը։ Ինչ վերաբերում է այս ճակատամարտի թվագրությանը, սապա իրապատում է Կիրակոս Գանձակեցին և ոչ թե Վարդան վարդապետը։ Նրանցից առաջինն այս ճակատամարտը թվագրում է նախորդից «յնտ աուրց ինչ անցանելոյ», իսկ նրկորորդը՝ «ի գալ ամին», այսինքն՝ 1223 թ.¹⁸։ Կիրակոս Գանձակեցու իրավացիությունը նրկում է Իբն ալ-Ասիրի այն հաղորդումից, ըստ որի հայ-վրացական զորքերն այս իրադարձությունից հետո՝ 1222 թ. աշնանը (9 հոկտեմբեր – 8 նոյեմբեր) գրավել են Բայլականը¹⁹։ Հետևաբար, Հ. Մանանդյանը և նրա հետևությամբ Լ. Բաբայանը սխալվել են, երբ Վարդան վարդապետի վկայությունը հիմք ընդունելով, այս ճակատամարտը թվագրել են 1223-ով²⁰։

Այս ճակատամարտից հետո ղփչաղների մնացորդները շարժվում են Պաքտավ և Քուշխարային խնդրում գործով միանսդ իրենց պարտության վրեժը լուծելու համար։ Սակայն Քուշխարան, ղփչաղների ինքնագլխությունից դժգոհելով և հայ-վրացական բանակի հետ բախումից զգուշանալով, հրաժարվում է դա անել, ինչը հանգեցնում է նրանց հարաբերությունների սրմանը։ Ղփչաղները հետ են պահանջում իրենց տված վստահության պատահանքներին և, մերժում ստանալով, փոխարենը զերում Ուզբեկի բազմաթիվ հպատակների, ինչպես նաև դիմում զանազան խժոժությունների։ Մա, բնականաբար, հարուցում է տեղի բնակչության սուր դժգոհությունը, որն ըմբոստանում է ղփչաղների դեմ։ Դրա հետևանքով բազմաթիվ ղփչաղներ սպանվում են։ Նիստ թշնամական միջավայրը ղփչաղներին հարկադրում է հեռանալ Շիրվան, իսկ այնտեղից լաքների նրկիրը։ Ճանապարհին

նրանք ենթարկվում են տնդի մահմնդական բնակիչների, հայ-վրացական զորքերի և լաբզերի հարձակումներին՝ տաղով մեծ կորուստներ²¹։

Այս իրադարձություններից որոշ ժամանակ անց՝ 1222 թ. աշնանը (9 հոկտեմբեր – 8 նոյեմբեր) հայ-վրացական զորքերը, վերականգնելով Գանձակի Էլտկուզյան աթաբեկության վրա 1217 թ. ընդհատված արշավանքները, ինչպես նշվեց, պաշարում են Բայլականը։ Այդ քաղաքը նոր էր սկսել ապաքինել մոնղոլների պատճառած վերքերը և կենդանի մնացած բնակիչները հնարավորինս ամրացրել էին Բայլականի՝ մոնղոլների կողմից ավերված պարիսպները։ Ուզբեկը, որը գտնվում էր Թավրիզում ու տրվել էր անառակությանն ու հարբեցողությանը, բայլականցիներին չի օգնում, և հայ-վրացական զորքերին հաջողվում է Բայլականը գրավելով կողոպտել ու ավերել, իսկ բնակչությանը՝ սրի քաշել²²։ Այս իրադարձության մասին պատմելիս Իբն ալ-Ասիրը հայ-վրացական զորքերին անվանում է «լավագույն թշնամիներ», դա պատճառաբանելով նրանով, որ նախքան այդ, նրանք, իբրև կանոն, որևէ քաղաք գրավելուց հետո այն չէին ավերում՝ ռավարարվելով քաղաքացիների տված որոշակի գումարով։ Պատմիչի վկայությամբ, բայլականցիները, կարծելով, թե այս անգամ ևս հայ-վրացական զորքերից կարող են համապատասխան գումարով փրկագնվել, նրանց անհրաժեշտ դիմադրություն չէին ցույց տվել կամ էլ փախել²³։ Տվյալ դեպքում բայլականցիների նկատմամբ հայ-վրացական զորքերի դրսևորած դաժանությունը թերևս բացատրվում է նրանց մեծ տհաճություններ պատճառած դիպչալների հարցում Ուզբեկի վերաբերմունքով։ Դեպի Բայլական հայ-վրացական զորքերի արշավանքի մասին հայ-վրացական աղբյուրները լռում են։

1223 թ. սեպտեմբերին, երբ Սուրմարիի (Սուրբ Մարի) տները գտնվում էր նվաճում, նրա տեղապահ էվիրը, որի անունն Իբն ալ-Ասիրը չի հիշատակում, զորք հավաքելով ներխուժում է Ջաքարյան Հայաստան և ավարառուական գործողություններ իրականացնում շրջակա տարածքներում կողոպտելով բազմաթիվ գյուղեր²⁴։ Ըստ Իբն ալ-Ասիրի, ի պատասխան, «Դուիհնի (Դվին - Ա. Շ.) տները, որի անունն էր Ծաղուա և վրաց (քուրջ) մեծամեծ իշխաններից էր, զորք հավաքեց, շարժվեց Սուրմարի, այն օրերով պաշարեց կողոպտեց քաղաքը, նրա շրջակայքը և վերադար-

ծավ»²⁵: Դեպքերի հետագա ընթացքին անդադառնալիս պատմիչը ևս նրկու անգամ Շալուային հիշատակում է իբրև Դվինի տներ (ամիրա) և սուրմարեցիների դեմ արշաված հայ-վրացական զորքի հրամանատար: Սակայն, իրականում, Դվինը պատկանում էր Իվանն աթաբեկին և նրա նրկու նստավայրերից մեկն էր (մյուսը Բջնին էր): Պնդն, որ Իբն ալ-Ասիրն Իվանն աթաբեկին ու Շալուային նույնացրել է, ճիշտ չի լինի, քանի որ նրանց քաջ զիտի և հստակ տարբերում է՝ մասնավորապես Իվաննին քանիցս տարբեր առիթներով հիշատակելով²⁶: Հետևաբար, իրոք, սուրմարեցիների վրա հարձակված հայ-վրացական զորքի հրամանատարը նրել է Շալուան: Քանի որ սուրմարեցիներն արշավել էին Դվինի շրջակա գյուղերի վրա, իսկ նրանց դեմ ի պատասխան հարձակված զորքը նկել էր Դվինից, պատմիչը կարծել է, թե Շալուան նրել է Դվինի տները: Շալուայի ով լինելը պարզվում է Իբն ալ-Ասիրի հետագա շարադրանքից: Բանն այն է, որ Իբն ալ-Ասիրը, իբրև կանոն, այս կամ այն հայտնի անձնավորության մասին խոսելիս նրան հնարավորինս սպառիչ է ներկայացնում՝ հետագայում բավարարվելով անվան սոսկական հիշատակմամբ: Նա իր սկզբունքից չի շեղվել նաև Շալուայի հարցում և նրան վերջին անգամ հիշատակելիս բավարարվել է միայն անունը նշելով: Եվ քանի որ նա վերջին՝ չորրորդ (հանվանել՝ նորորդ) անգամ Շալուային հիշատակում է Գաթնիի 1225 թ. ճակատամարտում գերվելու առթիվ. «շատերը գերի ընկան, որոնց մեջ էր Շալուան»²⁷, ապա պարզվում է, որ նա վրաց հայտնի իշխան Շավա Ախալցխելին է՝ նույն մարտում զոհված Իվանն Ախալցխելու նորայրը²⁸:

Երբ Շավա Ախալցխելու գլխավորած հայ-վրացական զորքը հետ էր դառնում, նրա վերջապահին հասնում է Սուրմարիի տիրոջ բանակը և ավարը հետ խլում²⁹: Քիչ անց հայ-վրացական զորքերը Շավա Ախալցխելու հրամանատարությամբ կրկին շարժվում են դեպի Սուրմարի, սակայն, Դվինից Սուրմարի տանող ճանապարհին այդ արշավանքի մասին տեղեկացված սուրմարեցիների կողմից շրջապատվելով պարտվում են՝ առողով մեծաքանակ զոհեր ու գերյալներ: Վերջիններիս թվում էին Շավա Ախալցխելին ու մի խումբ մեծատոհմիկներ³⁰: Իրադարձությունների նման ընթացքը վրաց արքունիքին ստիպում է բացատրություն պահանջել Էյուբյան տիրակալ ալ-Աշրաֆից, որի նդ-

բայր ու Ենթակա Շիհաբ ալ-Դին Ղազիի վասալն էր Սուրմարիի տները: Ալ-Աշրաֆին վրաց արքունիքի հղած նամակում ասվում էր. «Եթե հաշտության մեջ եմք, ցանկանում եմք, որ գերությունից արձակվեք մեր մարդկանց: Իսկ եթե խաղաղությունը մեր մեջ արդեն խախտված է, ապա հայտնեցեք մեզ, որպեսզի մենք միջոցներ ձեռք առնենք»³¹: Այս նամակին ի պատասխան ալ-Աշրաֆը Սուրմարիի տիրոջը հրամայում է ազատ արձակել գերիներին և վերանորոգել հաշտությունը, ինչը և արվում է³²: Էյուբյան տիրակալի այս քայլը բացատրվում է Իկոնիայի՝ վերստին հզորացող սուլթանության փտանգավոր հարևանության և տարածաշրջանի անկայուն իրադրության պայմաններում ի դեմս վրացական թագավորության ոչ պակաս ուժեղ թշնամի չստեղծելու մտահոգությամբ: Այս իրադարձությունների մասին ևս հայ-վրացական աղբյուրները լռում են: Օգտվելով Էյուբյանների թուլացումից, մոնղոլական նվաճման նախօրյակին՝ 1235 թ., Ջաքարյանները (Շահնշահ ամիրսպասալար) իրագործելով իրենց վաղեմի նպատակը, տիրացան Սուրմարիին³³: Ինչպես ճիշտ նկատել է Հ. Մարգարյանը, հենվելով Ստեփանոս Օրբելյանի և վրաց անանուն ժամանակագրի տեղեկությունների վրա³⁴, նրանք հավանաբար այդ ժամանակ են գրավել նաև Կաղզվանն ու Վաղարշակներտը³⁵:

1225 թ. հայ-վրացական զորքերը վերսկսեցին Գանձակի Էլտկույան աթաբեկության դեմ հարձակումները և պաշարեցին Գանձակը: Սակայն պաշարումը ոչ միայն անհաջող անցավ, այլև պաշարյալները քաղաքից դուրս գալով մարտի մեջ մտան հայ-վրացական զորքերի հետ և նրանց պարտության մատնելով ստիպեցին ձեռնունայն հեռանալ³⁶: Այդ նույն թվականին իր որդու՝ Ֆարիքուրդի կողմից գահընկեց արված շիրվանշահ Գուշտաբս I-ը իր իշխանությունը վերականգնելու նպատակով դիմեց վրացական արքունիքին, հաջողության դեպքում խոստանալով իր տիրույթների կեսը: Շիրվանշահին վերստին գահ բարձրացնելու համար վրաց արքունիքն ուղարկում է նրեք հազարանոց բանակ: Գուշտաբս I-ի որդին նրա դեմ է դուրս գալիս հազար հեծյալից բաղկացած զորամասով և ծանր պարտության մատնում: Հայ-վրացական բանակը տալիս է բազմաթիվ սպանվածներ ու գերյալներ և հեռանում Շիրվանից: Դրանից հետո վրաց արքունիքն այլևս չի միջամտում Շիրվանի ներքին գործերին³⁷:

Այս իրադարձությունից հետո, դարձյալ 1225 թ., հայ-վրացական մի զորամաս, Տփլիսից դուրս գալով, արշավում է դեպի Ատրպատական: Սակայն, ճանապարհին մի կիրճում այն, դարանակալ հարձակման ենթարկվելով, ջախջախվում է՝ տալով բազմաթիվ սպանվածներ ու գերյալներ³⁸: Այս խայտառակ պարտության վրձն առնելու նպատակով վրաց արքունիքը ձեռնամուխ եղավ դեպի Ատրպատական նոր արշավանքի նախապատրաստմանը: Սակայն, այդ ընթացքում լուր ստանալով, որ խորենզահ Մուհամմեդի որդի Ջալալ ադ-Դինը մտել է Մարսիդա, վրաց արքունիքն այդ մտքից ոչ միայն հրաժարվեց, այլև աթաբեկ Ուզբեկին առաջարկեց համատեղ ուժերով հետ մղել Ջալալ ադ-Դինին: Վրաց արքունիքն իր առաջարկությունը հիմնավորում էր նրանով, որ համատեղ չգործելու դեպքում Ջալալ ադ-Դինը նախ Գանձակի Էլտկույան աթաբեկությունը կգրավի, ապա՝ վրացական թագավորությունը³⁹: Մինչ նրանք համաձայնության կգային, Ջալալ ադ-Դինը նրանց կանխեց և, իսկապես, հնշտությանը գրավեց նախ Գանձակի Էլտկույան աթաբեկությունը, ապա նաև վրացական թագավորությունը:

Այսպիսով, մոնղոլների 1220-1222 թթ. հետախուզական արշավանքներից մինչև 1225 թ. սկսված Ջալալ ադ-Դինի նվաճումների արանքում ընկած ժամանակաշրջանում Անդրկովկասում չէին դադարում երկրամասի և շրջակա քաղաքական կազմավորումների զինական բախումները, որոնք ավելի էին թուլացնում նրանց առանց այդ էլ մոնղոլների արշավանքի հետևանքով նվազած ուժերը և պարարտ հող պատրաստում մի նոր, հզոր թշնամու՝ խորենզահների կողմից երկրամասի ոյուրին նվաճման համար: Անդրկովկասում հզորագույն քաղաքական կազմավորումը համարվող վրացական թագավորությունն այդ ընթացքում իրենից անհամեմատ թույլ հակառակորդների հետ բախվելիս, ինչպես տեսանք, շարունակ անհաջողություններ էր կրում, ինչը հղի էր լուրջ վտանգներով, ինչպես այդ պնդության, այնպես էլ ավատական ենթակարգության սկզբունքով նրա կազմի մեջ մտնող Ջաբարյան Հայաստանի համար:

ՃԱՆՈՐԱԳՐՈՒԹՅՈՒՆՆԵՐ

1. Մանրամասն տե՛ս Ա. Շահնազարյան, Մոնղոլների հետախուզական արշավանքն Անդրկովկաս («Պատմա-բանասիրական հանդես», 2000, N 2, էջ 85-107):
2. *З. М. Бунятов*, Государство атабеков Азербайджана (1136-1225 годы), Баку, 1978, с. 118.
3. Օտար աղբյուրները Հայաստանի և հայերի մասին (այսուհետև՝ Իբն ալ-Ասիր), հ. 11, Երևան, 1981, էջ 308-309, Հաւաքումն պատմութեան վարդանայ վարդապետի լուսաբանմալ, Վեննտիկ, 1862, էջ 142, Կիրակոս Գանձակեցի, Պատմություն Հայոց, Երևան, 1961, էջ 204:
4. *Իբն ալ-Ասիր*, էջ 309-310, Կիրակոս Գանձակեցի, էջ 204:
5. *Իբն ալ-Ասիր*, էջ 310: Ա. Տեր-Ղևոնդյանը հակված է նղել Քիլունը, համահեյտությունից նլնելով, նույնացնել Գնդարքունիքի հետ (Իբն ալ-Ասիր, էջ 404, ծան. 330): Դա անընդունելի է թեկուզ այն պատճառով, որ Գնդարքունիքը գտնվում էր վրացական թագավորության տարածքում՝ Իվանն աթաբեկի տիրույթների մեջ: Հայ-վրացական զորքերի և ղեկավարների միջև կայացած նրկրորդ ճակատամարտից հետո վերջիններիս մնացորդների Պարտավ դիմելը (Իբն ալ-Ասիր, էջ 311) ննթադրել է տալիս, որ Քիլունը պետք է փնտրել այդ տարածքում:
6. *Կիրակոս Գանձակեցի*, էջ 204:
7. *Шухаб ад-Дин Мухаммад ан-Насаби*, Жизнеописание султана Джалал ад-Дин Манкбурны, Баку, 1973, с. 61.
8. *Իբն ալ-Ասիր*, էջ 310:
9. Նույն տնդում, *Կիրակոս Գանձակեցի*, էջ 204-205, *Վարդան վարդապետ*, էջ 142-143: Մխիթար Այրիվանեցին, այս իրադարձությանն անդրադառնալով, բավարարվել է «ղփաղն նհար գԼաշայն ի Գանձակ» («Մխիթաբայ Այրիւանեցու Պատմութիւն Հայոց», Մոսկվա, 1860, էջ 81) արտահայտությամբ՝ հայ-վրացական զորքի հրամանատարությունը սխալմամբ վերագրելով Գնորգի Լաշային:
10. *Կիրակոս Գանձակեցի*, էջ 205:
11. Նույն տնդում: Հմմտ վարդան վարդապետ, էջ 142-143, Մխիթար Այրիվանեցի, էջ 80:
12. *Կիրակոս Գանձակեցի*, էջ 205-206:
13. Նույն տնդում, էջ 205:
14. Նույն տնդում, էջ 206:
15. *Իբն ալ-Ասիր*, էջ 310-311:
16. Նույն տնդում, էջ 311, *Կիրակոս Գանձակեցի*, էջ 205, *Վարդան վարդապետ*, էջ 143:

17. *Կիրակոս Գանձակեցի*, էջ 206-207, *Վարդան վարդապետ*, էջ 143:

18. *Կիրակոս Գանձակեցի*, էջ 206, 207, *Վարդան վարդապետ*, էջ 143:

19. *Իբն ալ-Ասիր*, էջ 311:

20. Վ. Մանանդյան, Զննական տնտեսություն հայ ժողովրդի պատմության, հ. Գ, Երևան, 1952, էջ 186, Լ. Վ. Բաբայան, Հայաստանի սոցիալ-տնտեսական և քաղաքական պատմությունը XIII-XIV դարերում, Երևան, 1964, էջ 189:

21. *Իբն ալ-Ասիր*, էջ 311:

22. *Նույն տեղում*, էջ 311-312:

23. *Նույն տեղում*:

24. *Նույն տեղում*, էջ 312:

25. *Նույն տեղում*:

26. *Նույն տեղում*, էջ 314, 321, 325, 328:

27. *Նույն տեղում*, էջ 321:

28. «Վրաց ժամանակագրություն (1207-1318)», Երևան, 1971, էջ 61, *ՏԻ-ԽՈՍՈՒՄ*, ռ. 159.

29. *Իբն ալ-Ասիր*, էջ 312:

30. *Նույն տեղում*, էջ 313:

31. *Նույն տեղում*:

32. *Նույն տեղում*:

33. «Մանր ժամանակագրություններ, XIII-XVIII դդ.», հ. I, Երևան, 1951, էջ 41, *Կիրակոս Գանձակեցի*, էջ 260:

34. «Պատմություն նահանգին Միսական արարեալ Ստեփաննոսի արքեպիսկոպոսի Միմնաց», Թիֆլիս, 1910, էջ 391-392, «Վրաց ժամանակագրություն (1207-1318)», էջ 91:

35. Վ. Գ. Մարգարյան, Ջալալ ադ-Դինի Հայաստան և Վրաստան կատարած արշավանքների պատմության շուրջ («Պատմա-քաղաքական հանդես», 1981, N 4, էջ 137, ծան. 71):

36. *Իբն ալ-Ասիր*, էջ 317:

37. *Նույն տեղում*, էջ 318-319: Հմմտ. *Сара Ашурбейли, Государство Ширваншахов (VI-XVI вв.)*, Баку, 1983, ռ. 151-152.

38. *Նույն տեղում*, էջ 319:

39. *Նույն տեղում*: